



## JABATAN KEWANGAN DAN PERBENDAHARAAN NEGERI MELAKA

---

### NOTIS PEMBERITAHUAN PENGUATKUASAAN DUTI HIBURAN NEGERI MELAKA AKTA DUTI HIBURAN 1953 (AKTA 103)

---

Tuan/Puan:

Sukacita dimaklumkan bahawa, Kerajaan Negeri Melaka telah menguatkuasakan suatu peraturan kutipan duti hiburan dibawah peruntukan Akta Duti Hiburan 1953 (Akta 103) **bermula pada 1 Januari, 2011.**

**Penguatkuasaan** tersebut adalah selaras dengan Subseksyen 4(1), Akta Duti Hiburan 1953 “*Tertakluk kepada seksyen ini hendaklah dicajkan, dilevi dan dibayar kepada Pemungut atas tiap-tiap bayaran bagi kemasukan ke mana-mana hiburan suatu duti (dalam Akta ini disebut duti hiburan)pada apa-apa kadar sebagaimana yang dikenakan oleh ketetapan Dewan Rakyat dari semasa ke semasa*”.

**Pengecualian Duti Hiburan** seperti yang termaktub dalam Subseksyen 10 (1) dan (2) Akta Duti Hiburan 1953, hanya akan diberi kepada mana-mana orang/ persatuan/ penganjur/ organisasi yang menjalankan aktiviti hiburan bagi tujuan kutipan derma amal atau berbentuk khairat kebajikan dan bukan bersifat keuntungan samada berbentuk pendidikan, pameran, persembahan muzik atau pancaragam pelajar. Permohonan pengecualian duti hiburan hendaklah dikemukakan kepada Timbalan Pemungut Duti Hiburan dalam tempoh 14 hari sebelum aktiviti dijalankan.

**Bayaran Duti Hiburan** hendaklah dibuat terlebih dahulu kepada Timbalan Pemungut Duti Hiburan sebagai syarat tambahan bagi pengeluaran/pembaharuan lesen hiburan dan lesen premis hiburan. Bayaran tersebut hendaklah dibuat sejurus selepas kelulusan lesen hiburan/ lesen premis hiburan dimaklumkan oleh pihak Pihak Berkuasa Tempatan. Bayaran boleh dibuat secara tunai, bank draf ataupun cek di atas nama BENDAHARI NEGERI MELAKA.

**Rayuan Pengurangan Bayaran Duti Hiburan** secara bertulis boleh dikemukakan melalui Timbalan Pemungut Duti Hiburan untuk pertimbangan, sekiranya operator atau penganjur aktiviti hiburan dapat mengemukakan alasan sewajarnya.

**Pasukan Penguatkuasa Duti Hiburan** yang dilantik diberi kuasa menjalankan kerja-kerja memasuki, menyiasat, menggeledah, menangkap dan menyita pusat-pusat hiburan tanpa waran dalam pada menjalankan tugas-tugas yang dimaksudkan seperti termaktub di dalam Subseksyen 13, 14, 15, dan Seksyen 16 Akta Duti Hiburan 1953.

**Kompaun** seperti dibawah Subseksyen 18 Akta Duti Hiburan 1953, boleh dikenakan ke atas mana-mana individu/syarikat yang gagal mematuhi peraturan-peraturan yang terkandung di dalam Akta ini dengan jumlah kompaun yang tidak melebihi RM3,000.00. Bagi kesalahan yang tidak terjemak di dalam Akta Duti Hiburan 1953 juga boleh dikenakan tindakan penalti seperti yang disebutkan di dalam Subseksyen 20 (1),(2),(3) dan (4) didalam Akta yang sama.

Sebarang pertanyaan boleh dikemukakan kepada  
**Unit Hasil, Jabatan Kewangan Dan Perbendaharaan Negeri Melaka**